

SAMOA

1. Igoa puupuu ma le amataga
2. Tulaga o Tagata Ofisa ua avea ma Tagata Ofisa Osi Feagaiga
3. Talosaga

1998, Nu. 21**O SE TULAFONO e teuteu ai le Tulafono o Galuega a le
Malo 1977. *(26 Iuni 1998)***

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Galuega a le Malo 1998, ma e tatau ona faitauina faatasi ma avea ai o se vaega o le Tulafono o Galuega a le Malo 1997 (o le Tulafono autu).

(2) O lenei Tulafono o le a amata faamamaluina i le aso ina ua tuanai le aso na tuuina i ai le maliega a le Ao o le Malo.

2. Tulaga o Tagata Ofisa ua avea ma Tagata Ofisa Osi Feagaiga - O le Tulafono autu ua teuteuina i le faaofiina i ai o le fuaiupu 55A e faapea:

“55A. Tulaga o Tagata Ofisa ua avea ma Tagata Ofisa Osi Feagaiga-(1) E tusa ai ma so o se faiga faavae a le

Kapeneta faasino i Galuega a le Malo, e mafai e le Komisi ona fuafuaina mai lea taimi i lea taimi so o se tulaga po o se vasega o ni tulaga i totonu o Galuega a le Malo e avea ma tulaga o le a faatumuina e ni Tagata Ofisa Osi Feagaiga.

(2) A fai o se tulaga ua aafia i lalo o le faafuaiupu (1) ua avanoa o le tofiga e tatau ona faia i lalo o le fuaiupu 55.

(3) A fai o se tulaga ua aafia i lalo o le faafuaiupu (1) o lo o umia e se tagata i le taimi nei ua tatau loa -

(a) I le tagata ofisa ona tuuina atu se faasilasilaga tusia i le iloiloga a le Komisi faatasi ai ma le suiga o le tulaga i le Tagata Ofisa Osi Feagaiga ina ia faamamaluina ina ua tuanai le mutaaga o le masina e tasi (1) mai le aso na tuuina atu ai le faasilasilaga; ma

(b) O le a tatau i le Komisi ona taumafai ona mauaina se maliega faatasi ma le tagata ofisa mo le tologiina o so o se faamanuiaga ua tatau ona tologiina atu ia te ia i luga o le aso, e faapea, e faagaoioia ai lenei fuaiupu, o le a faamutaina ai lona avea o se tagata faigaluega o Galuega a le Malo.

(4) A fai ua maua se maliega e tusa ai ma le faafuaiupu (3), ua tatau loa i luga o le faamalieina o le talosaga a le tagata ofisa i faamanuiaga o le a tatau loa i le tagata ofisa ona sainia le konekarate ma o le a avea ai loa o ia o se tagata ofisa osi feagaiga mo faamoemoega o lenei Tulafono.

(5) A fai ua le maua se maliega po o e leai se konekarate ua sainia i totonu o le tasi (1) le masina mai le aso e faapea na tuuina atu ai le faasilasilaga e tusa ai ma le faafuaiupu (3)(a) o le a tatau loa ona avea le tulaga e faapea ua umia e le tagata ofisa e avea ai o se tagata ofisa osi feagaiga ma o le a tatau ona i ai i lea tagata ofisa se aia e talosaga ai i le Komiti Faatino o Talosaga o Galuega a le malo e tusa ai na o le aofaiga o ana faamanuiaga e tusa ai ma faafuaiupu (3)(b).

(6) E leai se talosaga e mafai ona faia e tusa ai ma so o se iloiloga ua faia i lalo o le faafuaiupu (1) po o e faasaga i le tofiga o se tagata ofisa po o se tagata e avea ai o se tagata ofisa osi feagaiga.”

3. Talosaga - Fuaiupu 46 o le Tulafono autu ua teuteuina i le faaopoopoina i ai o le faafuaiupu e faapea:

“**2A.** So o se faaiuga ua faia e le Komiti Faatino ma o mafuaaga e pei ona faalagolago i ai o le a faia i luga o se tusitusiga ma faaavanoa atu i le tagata o lo o talosaga.”

**Lolomiina i lalo o le pule a le Fono Aoaofaitulafono,
e le Failautusi o le Fono Aoaofaitulafono.**

